

西石梁農圃便覽

序

余知冬之寒上獲睹 樹圃丁先生
襲圍使覽一室爰掩卷而歎曰先生
以名門世胄生平昔所誨貫其固皆經
考之鴻猷乃積學五文衣裳在室可不
獲持一第以稍展其衣之強至晚年遂
而無事涉步於堅坐園望之為生亦
可甚不得已其矣乃取其編而一再讀

吾又有以知其不於此也夫族之如大
也其先世類皆勤之態，本務是教
迨其後衣冠不安淳樸並會漸棄
奢華以留產為他人而當享其福、
之福何如一借而膏腴每存其夫有再
借而匹襪殆其甚矣嗟乎雖身於家
不能半孫紈褲之膏致嗟然其死
不知喪國之意歟先生死矣其學乎儒

時有牛昆字吐嗔之而又以為見之於
言不若筆之於書也爰是卷三禮之
精傲七月之遺高擇洪子百家之所撰
每因天垂地原开辟節善正事易曉
而其言易入即以此告天下之高子
第迷津寶筏也可不先先生官遊半
天下之字之閣之海外九所謂山奔水
立受歎奇苑一切可驚可愕可盡可觀

之狀磨而不形之竹素以澆胸中之塊
習之亦以取妙理層其為而醜態不已耶
記云太上立德其次立功其次立言夫言
也而無德与功并稱不好者謂其者當
於實用而不同与好者之過也先生
之言正此所以表其好也夫

東武王紫緒撰

序

丙戌仲春丁君瑞埜與余會於都門以
令梓椒圃先生農圃便覽序屬余為
之且為余具道先生之為人余因喟
然曰農圃之事固有道也先王經理天
下物土之宜而布其利月令紀穀登萊
秀之文而于耜舉趾烹葵食苽更諄々

於邠風諸章乃知因天時乘地利盡人
工其事固非淺鮮所以賢者猶待問也
特以大聖人之說世遂謂細業非儒者
所宜道不知此鄙其志也非斥其事也
令逢果篤志于大人之學即置身農圃
中豈遂見非于聖人乎哉且士君子處
世顯晦屈伸亦視乎時耳其在上也黼

敬

皇猷安民阜物各得其所其在下則優游卒
歲問桑話麻自樂其天彼風浴詠歸之
賢更超于兵農禮樂之彥者道即此而
存不待外求也故農圃之道其道小值
農圃之地講農圃之道其道大也先
生為涖閱華胄自少習舉子業蜚聲藝

苑富于著作屢滯棘園晚幽棲于石梁
村伴魚之暇遂成是書觀其辨別宜忌
占驗灾祥間附以詩歌 先生自序謂

殫心諮詢所得又曰非石梁者槩不錄
可見平日自足於已無慕乎外嗚呼可
不謂素位而行者與古今來名人疇士
不得志於時輒憤懣抑鬱不可奈何有

所著述率皆牢騷不平借以發洩其胸臆有如此之循、日用俯仰自得者哉既以示子孫又不欲自私付諸剗刷以廣其傳其用心可謂至公矣沙陽距海出三百里余未獲登先生之堂然有以知先生之樂道也故不揣固陋而為之序俾盡知先生積學工文有志

建立而山林韜晦迹類於田夫園叟之
為者其道未嘗不在

琅邪年眷姪歐陽廷珍拜撰

自序

吾子歲入家塾 先大夫為之訓
誥玉學稼章曰 聖人不如多農
耜圃之玄 輒謂之 以為人當事大
人之事 安用此瑣者 為少長 沒
宦游 讀書官署 不暇分 吾穀 迨
先大夫 効力之後 餘產無幾 遽捐館

舍予兄弟卜居西石梁村數年後生
益日繁家計愈拙讀書之志易
為謀食之躬親農圃之事自悔
少未習慣因殫心諮詢凡有所
得輒筆之于冊或採農經花史
以補諮詢所未及先外祖松菴公
外仲祖滄溟公外族祖望鶴公

農書之修讎經久而成懷者曰西
石梁農圃便覽以予皆身歷非
西石梁土所宜及未經驗者概不
錄也竊見而悅予詢曰此吾三
十歲後二十年來拮据卒一瘠
乏暇所記求田問舍量晴較雨瑣
瑣事耳不足為君道君豈調和

二氣治鑄為有公盡諄之為
大人者

乾隆二十年歲次乙亥今月丁宜至
耕圃氏書於西石梁之強善齋

西石梁農圃便覽

椒園丁宜會輯

男延

安林均浦

全較

歲 甲曰闕逢乙曰旃蒙丙曰柔兆丁曰疆圉戊曰著

雍己曰屠維庚曰上章辛曰重輝壬曰玄默癸曰

昭陽子口困敦丑曰赤奮若寅曰攝提格卯曰單

闕辰曰執徐巳曰大荒落午曰敦牂未曰協洽申

日涖灘西口作巫戊日爾茂亥口大淵獻。安居

而日暈多成風雨暈黑則穀傷大水青則羅貴多

風赤則暑雨霹靂黃則風雨時農田治數見更吉

日暈兩半相向天下大風。日生耳南耳晴北耳

兩雙耳斷風雨若長而下番通地名日幢主久晴

日没返照主來日晴日没後起青白光數道下

狹上濶直起亘天俗呼青白路主來日酷熱惟夏

秋間有之。日冠如半暈在日上似冠有兩耳者

更吉。月暈七日內有風雨看何方暈缺風從缺

處來月暈重圓大風將至暈而珥時歲平康月

兩耳十日內有雨水雲如人頭在月旁白風黑

雨新月下有雲橫截來日雨月望而月中瞻

蝓不見大水民流月變黃吉青饑赤旱黑水

虹食雨晴雨食虹雨雷自夜起必連陰初起猛

烈者雨雖大易過若殷殷沉響卒未得晴又未雨

先雷名攔頭雷無雨卯前雷有雨無雲而雷饑疫

大起雪中冇雷陰雨百日電在南主久晴在北

爲北辰閃主雨立至北閃三夜無雨必大風雨

風從月建方來，萬物得所，晴雨得宜。如對方來，主米貴於交節正時。及二分二至日占之。甲子日晴而月內多晴，雨則久雨妨農。隻日多驗，雙日少驗。甲申雨，主久雨。乙酉日更要緊。久晴逢戊雨，久雨望庚晴。又逢庚必變，逢戊必晴。天河中有黑雲，名河作堰，又名江猪渡河。黑雲對起，乙路相接，亘天謂之織女作橋。雨下濶謂之合羅陣。皆主大雨立至。若天陰之際，或作或止，又是雨將斷之兆。乾星照濕土，來日依舊雨。蟻封穴戶，大

雨將至。久雨當天明見日，仍雨。若天明雲徐開，見日遲，則不雨。久雨後若午後少住，或可望晴。若午前少住，午後雨必多。五鼓忽雨，天明必晴。諺云：雨打五更頭，行人不要愁。又暴雨不終日。雨着水面有浮泡，主卒未晴。日始出及入，黑雲貫之。三日有暴雨。蜘蛛添絲晴，吊水雨。雲起自西南，多雨。起自東南，無雨。起自東北，多風雨。風愈急，雨愈連綿。起自西北，必黑如潑墨，先大風而後雨。終易晴。壬子日值滿畢星，卯辰日必雨。五

卯日候西北有雲如羣羊必雨。戊申日日入時

上有冠雲不論大小黑者雨大青者雨小。海市

現必有雨海中響名海吼南吼主風北吼主雨若

先南而吼至東北亦主雨又雲冠絲山河山亦主

雨勤稽汪出雲亦主雨此又日照雨徵也。諺云

兩春夾乙冬十個牛欄九個空又云兩春夾乙冬

無被煖烘烘乙年兩個春牛毛貴如金。杏多實

不駐來年秋禾善。梅子少秣亦少樹無梅手無

杯秣糯稻也淵明以公田二百五十畝種秣卽此

猫食青草。主久雨。狗食青草。主久晴。天火日
忌修造。凡苦葢遇之。卽停工。乙日。地火九焦日。
忌栽種澆灌。荒蕪日。百事忌。糞忌日。忌出糞。
動則損牲畜。諺云。冬至來年麥。夏至三豆是家清。
明芝蔴小滿穀。元日占秣定不差。逢水水渰了。遇
火火燎花。逢金收乙半。土木全到家。

論耕汜勝之云。凡耕之本。在於趨時和土。務糞澤。早
鋤穫。春凍解。地氣始通。土乙和解。夏至。天氣始暑。
陰氣始盛。土復解。夏至後九十日。晝夜分。天地氣

和以此時耕田爲得時。照邑農夫，狃于習俗，不特牛具房屋，田主出辦，正月以後，口糧牛草亦仰給焉。主人或限於財力，安置未妥，則耕種失時，鋤耨少數，秋成因而減少。且有廣種薄收之說，真誤人不淺。莫如少種勤耕，糞多工倍，其所獲亦相當。至體恤貧佃，不肯搜剔太盡，又在賢主矣。

開荒宜天福豐旺母倉生氣黃道已未開成日，忌地火九焦荒蕪田痕日。先燒去野草，縱橫復耕兩三次。先種芝麻壹年，使草根爛，後種五穀，則無草荒。

之害。蓋芝蔴之於草，若錫之於五金，性相制也。
伏內雨後，清晨開荒，秋後塌起種大麥亦好。田
痕大月初六初八廿二廿三，小月初八十七十三
十七十九。

耕地宜乙丑巳巳庚午辛未癸酉乙亥丁丑戊寅辛
巳壬午乙酉丙戌巳丑甲午巳亥辛丑甲辰丙午
癸丑甲寅丁巳巳未庚申辛酉及成收開日，起犁
以後不拘。春耕宜遲，凍漸解，氣始通，雖堅硬土
亦可耕。秋耕宜早，乘天氣未寒，將陽氣掩入地中。

來春宜苗若遲則掩霜入地多折苗。照邑下田
停水處燥則堅塔濕則汙泥難治而易荒堯堉而
殺種春耕者成塊難耙殺種尤甚當不問夏秋候
水盡地白背時速耕速耙令熟夏種小黃稻秋種
大麥春種水稻。春秋耕地晒三兩日看地白背
卽耙平。諺云貪耕不耙悞了莊稼不可踈忽。
儲種凡種沍鬱則不生生亦旋死故陳者勿用種雜
者生旣不齊熟亦難均務本者當留心也。

種田以糞多爲上宜成開日忌平閉日麥宜庚午辛

未辛巳辛卯庚子庚戌穀宜丁巳巳未庚申巳卯
辛卯忌丙子黍宜戊戌己亥庚子庚申壬申豆忌
卯辰申戌稻忌丑辰蕪忌寅未日然莊農無避忌
姑存其說。

置場宜黃道天倉豐旺二德日四仲月初八十六廿
四爲天倉。

修倉宜滿成開日。

入倉宜毋倉平成收滿日先祭倉神。

制用禮王制冢宰制國用必於歲之杪五穀皆入然

後制國用。用地大小。視年之豐耗。以三十年之通制國用量。入以爲出。註以三十年之通者。通計三十年所入之數。使有十年之餘也。每歲所入。均析爲四。而用其三。每年餘乙。則三年餘三。又足乙歲之用矣。若士庶之家。何敢言此。然量入爲出。實經常之道。當仿其遺意。於歲之杪。通計所入。四分之乙。爲儲積。而以三分爲來歲之用。用之多寡。視此三分爲損益。豐亦不過。儉則有殺。三年以後。可積乙年之粟矣。無如土田有限。食指日繁。稱貸不免。

節儉實難。姑以奉勸務本者。予再進乙說曰。白

圭猗頓陶朱之術。要不過生衆食寡爲疾。用舒四語。約而言之。只是勤儉二字。士庶居家。主僕俱有正業。無閒人坐食。衣食不妄費。房屋無華飾。國稅早完。交游不濫。墾園雞豚。園圃果蔬。凡可養生爲稼穡之助者。俱當留心。收穫旣畢。債負速償。通計現存糧石。作來年所出之數。謹守而節用之。紙牌賭具。絕不入門。庶幾無敗。先曾族祖野鶴公家政云。速莫速於賭博。痴莫痴於揭債。愚莫愚於苟安。

險莫險於欠稅窮莫窮於家漏損莫損於妄費旨哉言乎。治家又須防蠹莊田多者分身乏術必托人料理而鄉俗必將糧困與之掌管是已倒持其柄矣此輩或係寵僕或是妾親久知心腹素善逢迎事權到手卽若暴富不特衣食奢侈且周濟親戚縱意飲博若稽查不勤則內外串通上下朦蔽抽膏地自種任薄瘠拋荒存糧止是虛數打場先講浮餘買牲口則冒支價值翻地畝圖開除種糧托房屋之修補掛佃戶之拖欠在困者可花費

無存。在野者。又望青拉張。種種弊端。不可枚舉。及至敗露。責償無期。緩則玩視。急則反噬。家法不能制。官斷亦無益。去珠不可復還。家道因而蕭索。可不預防哉。

置產放債當產。仁附堂久已示戒。若節儉有效。用度少寬。置買田產。誠爲佳事。必親詣地頭。相其肥磽。詢明四至。公同地隣丈量。立契之後。方可交價。若先有典主。或價不現成。切勿交易。中人須用老年有德者。契內註明荒隔四至。寧詳勿畧。杜後爭端。

修造諺云。與人不睦。唆令蓋屋。又云。茅屋百間。到老不閒。興造不可多。僅取足用而已。宜甲子戊辰巳。巳癸酉甲戌乙亥戊寅癸未甲申戊子庚寅癸巳。巳亥辛丑甲辰乙巳戊申辛亥甲寅庚申日興工。遇天火日。卽停工壹日。

養牛。牛爲農之本。腴田百頃。非牛莫治。其興地利。不止代七人之力。故禁宰有律。非泥果報之說也。喂養不可失時。吾邑向無喂料者。今牛價數倍。若不加心喂養。豈經倒斃。無力置買。佃戶不免流離。主

地亦必荒蕪矣。耕種時，每牛用豆市升三合磨糊拌草喂之。犁戶牛，則將豆磨破，主人收存，每早牽至門前親看喂之，恐假手犁戶，不入牛腹也。春暖出室，不可過早。夏秋遇雨，置厰棚內，免致雨淋病瘴。霜後始入室，早必生癩。耕地卸綆，卽飼以草，永無水掠之患。水牛畏寒惡熱，更爲難畜。遇有時疫，先看鼻頭有汗角溫者，可治。取安息香點着，牽牛以鼻嗅香烟，再於欄中燒蒼朮，可免傳染。瘟疫初起，速將貫衆剉碎，拌草飼之。牛病瀉，用桑白皮蜀

葵根生葛取汁半升灌之。或用山草驢燒灰沖酒灌之。或用柿蒂燒灰吹鼻孔內。再以左轉麻繩扎尾根。牛病嗽用食鹽乙兩。淡豆豉汁乙升。葱白乙把。童便乙升。和灌之。又方。芝麻壹細碗。泡透磨糊。火紙六張。燒灰存性。加銀硃三分。蜜二兩。調水灌之。牛尿血。用川當歸。紅花。各五錢。爲末。酒乙升。煎候冷。灌之。牛吃生豆肚脹。用舊手巾燒灰。煎酒灌之。牛毛焦不食水草。用白芷。大黃。各五錢。菜子乙兩。爲末。雞子二個。酒乙升。調灌之。牛吐涎不止。卽

是瘟疫用吳萸研汁石灰燒灰酒乙升調灌之牛
吐血用水銀訶子白芷肉蓯蓉各壹分爲末酒調
灌之牛糞血取灶下黃土二兩酒乙升煎候冷灌
之牛病癩用蕎麥燒灰淋汁加硫黃和塗之瘟疫
時用石菖蒲葛根淡竹葉鬱金子綠豆蒼朮各等
分碾爲末每服乙兩芭蕉搗汁蜂蜜黃蠟爲引合
水調灌之未解再乙服如極熱加大黃鼻頭無汗
加麻黃鼻口出血加蒲黃牛過力受傷羸瘦不食
水草用淡豆豉乙兩姜二兩鹽乙兩香油乙兩老

葱七枝雞蛋五個共搗爛加黃酒調灌之牛大者
量加分兩重者用二劑神效。

養豬母豬取短豚無柔毛者良圈不厭小處不厭穢
飼喂及時則易肥有病割去尾尖出血卽愈瘟疫
以蘿蔔葉飼之或以貫衆拌食飼之。

蓄糞以糞種田伊尹教也糞不可陳故賈思勰曰以
糞氣爲美。人糞爲上羊糞次之牲畜糞土草糠
必置存水坑內漚過方可用拌魚溲鹹水更佳。

石灰殺草勝於用糞但不可多。洗鮮魚肉禿雞

鷺毛水用缸盛貯投韭菜乙把或荔枝核則毛易爛用以澆花。花欲速開以馬糞浸水澆之。臘月內掘地埋缸積人糞上用板蓋填土密固過春渣滓融化止存清水名金汁用澆花木無不向榮。山園必當預辦。黃豆磨破蒸熟曬乾爲末壅花蔬根甚妙若炒豆末則無益。麻紙亦好。

田祖園神考詩曰以御田祖傳田祖先膏也丙戌丁亥癸巳乙巳丁未辛亥甲寅爲田祖忌忌耕種。

清異錄進士于則飯於野店傍有紫荆樹乙株村

人祀爲紫相公。則烹茶。以乙杯置其前。夜夢紫衣人曰。予紫相公也。主乙方蔬菜所隸。有天使職掌。豐。辣判官。職主儉。皆嗜茶。早蒙賜飲。可謂非常之惠。因贈以詩。則於其家蔬圃祀之。自是年年倍收。

治食有法。羊肉忌銅器盛。洗猪肚用麩。洗猪腸用白糖。糟蟬醃蟬燈照則沙。加皂角半錠置罈內。可久留。洗魚少入生油。則無涎。煮魚加木香。不腥。煮鷺入櫻桃葉數片。易軟。煮雞鴨投鳳仙子山檀。易爛。煮羊肉加核桃。則不羶。

煮猪肉封鍋口加楮實子少許易爛又香忌桑柴
火。煮臘肉將熟投燒紅木炭數塊入鍋則不油
歛氣。凡熟肉屋漏沾着者爲漏脯熟肉密蓋過
夜者爲齶肉皆有毒。鷄脂熬化卽以其嚙盛之
則不滲漏雖金石磁玉之器無不滲者。瓜兩鼻
兩蒂皆殺人瓜沉水者有毒。乾薑化胎。簷下
菜有毒。莧菜與鱉同食生鱉瘕。果未成核者
食之發癰疽患寒熱。酒酸用小豆炒焦盛袋內
入酒浸或入甘草四錢官桂砂仁各二錢研碎入

酒酒多再加。或用鉛乙片炙熱入酒封固。次日可用。如有喜事親友饋酒。美惡不齊。欲共乙處。將陳皮二三兩入酒封固。三日取用。雞蛋入酸酒浸亦止酸。蜜煎諸色果。果大者切薄片。小者全用。水煮乙沸。去熱水。另用清水浸過宿。壓乾入磁器內。好蜂蜜下鍋。文火僅化開。亦入磁器內。候七日。取出果。將蜜入鍋熬水氣盡。再入新蜜。方入果浸。如此三次。則蜜透功成。大抵蜜見火。果不見火。收藏蜜煎果。黃梅時換蜜。以細辛末放頂上。不生蠟。

虫 凡糟菜先用鹽糟過十餘日取起拭盡舊糟
令乾別用好糟敷之大抵花醱多因初糟醋出宿
水之故必換好糟方可久留 趕素麵必用綠豆
粉爲粹每麩乙斤入鹽三錢和如落索麩停時更
頻入水和爲餅劑揣百遍趕餅切之耐煮亦可作
餛飩燒賣皮 拌茶用蘭桂玫瑰薔薇木香梔子
茉莉蓮梅等花香氣全時摘拌三停茶乙停花收
磁罐中花茶相間填滿紙箬封固入鍋重湯煮之
待冷取出用紙裹火上焙乾若上好細茶忌用花

香反奪真味。烹茶用活水。活水活火。活水。溪河之水也。
活火。謂炭火之有焰者。若柴薪濃烟。既損水味。何
昭茶德。吾鄉炭貴。客至淪茗。皆草火燎水。點滷冲
兌。三沸之法。置之不論。

詩

微月生西海。幽陽始代昇。圓光正東來。陰魄已相
凝。太極生天地。三元更廢興。至精量在斯。三五誰
能徵。陳子昂 半生心計付林泉。十畝園廬學懶

川。爲愛幽居甘小隱。偶來靜坐得長年。耦耕信口

歌成曲沽酒督僮粟當錢莫怪山中忘歲月總無
乙事擾吾天。昨非今是倩誰分老去逃禪墮舊
聞漸覺道心同止水都將世事付行雲齋厨春饌
蘆初茁老圃秋糧桃有蕢徙倚柴門無箇事偶然
得酒便成醺

先祖諱昔字羲人諡文簡公瘦竹集

詞

茅屋剛如斗。面水開窗牖。客來何物可淹留。有
有。淡製新茶。薄烘乾笋。舊筍濃酒。列坐清談久
茶罷還須酒。酒闌客醉可歸歟。否否。待月穿花。

看雲籠竹猶堪携手。丁雁水醉春風。

格言

黎明卽起。洒掃庭除。要內外整潔。既昏便息。關鎖門戶。必親自檢點。乙粥乙飯。當思來處不易。半絲半粒。恒念物力維艱。宜未雨而綢繆。毋臨渴而掘井。自奉必須儉約。宴客切勿留連。器具質而潔。瓦缶勝金玉。飲食約而精。園蔬愈珍饈。勿營華屋。勿謀良田。三姑六婆。實淫盜之媒。婢美妾嬌。非閨房之福。奴僕勿用俊美。妻妾切忌艷粧。祖宗雖遠。祭

祀不可或疎。子孫雖愚，經書不可不讀。居身務其質朴，教子要有義方。莫貪意外之財，莫飲過量之酒。與肩挑負舂，勿佔便宜。見貧苦親隣，須多溫恤。刻薄成家，理無久享。倫常乖舛，立見消亡。兄弟叔姪，須分多潤寡。長幼內外，宜法肅詞嚴。聽婦言，乖骨肉，豈是丈夫。重貲財，薄父母，不成人子。嫁女擇佳婿，勿索重聘。娶媳求淑女，毋計厚奩。見富貴而生諂容者，最可耻。見貧賤而作驕態者，賤莫甚。居家戒爭訟，訟則終凶。處世莫多言，言多必失。毋恃

勢力而凌逼孤寡。毋貪口腹而恣殺牲畜。乖僻自
是。悞悔必多。頽惰自甘。家園終替。狎暱惡少。久必
受其累。屈志老成。急則可相倚。輕聽發言。安知非
人之譖。愬當忍耐。三思因事相爭。安知非我之不
是。須平心暗想。施惠無念。受恩莫忘。凡事當留餘
地。得意不可再往。人有喜慶。不可生妬忌心。人有
禍患。不可生欣幸心。善欲人見。不是真善。惡恐人
知。便是大惡。見色而起淫心。報在妻女。匿怨而施
暗箭。禍延子孫。家門和順。雖饑殍不繼。亦有餘歡。

國課早完，卽囊橐無餘，可稱至樂。讀書志在聖賢，
爲官心存君國，守分安命，順時聽天，爲人若此，庶
乎近焉。朱子 耕夫役役，多無隔宿之糧。蚕婦波

波，少有御寒之衣。日食三殮，常思農夫之苦。身穿
乙縷，每念織女之勞。寸絲千命，匙飯百鞭。無功受
祿，寢食不安。交有德之朋，絕無益之友。取本分之
財，戒無名之酒。常懷克己之心，閉却是非之口。若
依朕之斯言，富貴功名長久。唐太宗百字勅 不

做費力事。審已量力，最得便宜。不放債當產。欲怨吃虧，不買

閒書蕩心妨業無益有損不結遠親終身勞費無所底止先祖仁附

堂四誠

雜錄

宋金谿陸氏家制云古冢宰制國用必於歲之杪
用地大小視年豐耗三年耕必有壹年之食九年
耕必有三年之食以三十年之通制國用雖有凶
旱水溢民無菜色國旣若是家亦宜然故有家者
當量入爲出然後用度有準豐儉得中怨讟不生
子孫可守今以田疇所出除租稅播種蓋屋番治

之外所有若干以十分均之留三分爲水旱平澗
之脩壹分爲祭祀之用六分爲十二月之用取壹
月合用之數約爲三十分日用其壹可餘而不可
盡用至七分爲得中不及五分爲太奢所餘者別
置簿收管爲伏臘裘葛修葺墻屋醫藥賓客弔喪
問疾時節饋送之需又有餘則以周隣族之貧弱
賢士之困窮佃人之饑寒過往之無聊者諸田疇
不多則壹味節奢裘葛取諸蚕績墻屋取諸畜養
襍種蔬果皆以助用不可侵過次日之物至有不

能餘三分者則存其二。又不能二分必存壹分。如
弔喪以先往後罷爲助。賓客以樵蘓供饗。清談爲
適。奉親以啜粥飲水盡歡爲孝。祭祀以蔬食菜羹
致敬爲忠。諸牘儀禱節壹切不講。庶禮不廢。而財
不匱。稍存贏餘爲可久計。免干人。夫居家之病有
七。曰呼。曰遊。曰飲食。曰土木。曰爭訟。曰玩好。曰惰
慢。有壹於此者能破家。其次貧薄而務周施。豐餘
而尚鄙吝。事雖不同。爲害壹也。蓋豐餘則人望以
濟。今乃愒然必失人情。伺有隙則爭媒孽之。雖其

子孫亦懷不滿之意。豈以入手有若夾隄破防而不可止者。故妄用以破家。多藏以歛怨。皆惑也。

王業本於農。周自始祖后稷。以農官服事虞夏。至不窟失官而自竄於戎狄之間。公劉遷豳。務農重穀。修后稷之教。豳人化之。忠敬篤淳。於隆古未遠。故俗莫美於豳。周公作豳。七月。訓王以王業之艱難。其詩曰。三之日于耜。四之日舉趾。同我婦子。饁彼南畝。田峻至喜。三之日建寅月。于耜。夏小正。月農緯厥耒是也。四之日建卯月。舉趾。言民畢出。

舍于田舉趾而事耕田。酸田官餉田曰饁言同婦
子者少者畢出于田老者率婦子往餉之而治田
早用力齊可知也。故田官至而喜焉。又曰九月築
場圃十月納禾稼黍稷重穆音六禾麻菽麥嗟我農
夫我稼既同上入執宮功場圃築場于圃也。春夏
物生則治場爲圃種菜茹秋成矣。則築圃爲場舉
禾稼納焉。露積之禾稼穀連藁秸之名。先總藁秸
而納之防霖雨妨穫後去藁秸而收之。俾穀不濕
腐穫道然也。先種後熟曰重後種先熟曰穆將言

稼同。先日八穀簡較之。其幽雅甫田。則上樂田。峻
息民之樂。下歌大田報焉。以燕饗。隸小雅。其詩曰。
俶彼甫田。歲取十千。我取其陳。食我農人。自古有
年。俶明大貌。甫大也。美也。十千。謂壹成田土地之
穀入。陳舊粟也。言幽公歲取萬畝之入爲公賦。儲
畜之。及積久有餘。又存其新而散其舊。以食農人。
爲補助。蓋自昔有年。故陳陳相因如此。又曰。今適
南畝。或耘或耔。黍稷薿薿。攸介攸止。烝我髦士。耘
除草。耔壅本也。后稷之法。壹畝三甞。廣尺深尺而

播種於其中。苗葉以上。耨壟草。因墮其土。附苗根。壟盡草平。則根深而能風。與旱。蕤蕤茂盛貌。髦土。農民之秀爲士者。言昔既有年。今適南畝。農人方耘方耨。黍稷又已茂盛。是將復有年。故進髦士而勞之。勞之者。勸之也。又詩曰。曾孫來止。以其婦子。

饁

音

彼南畝。田峻至。喜攘其左右。嘗其旨否。禾易

長畝。終善且有。曾孫不怒。農夫克敏。曾孫目幽。公來止。親循畝。勸耕也。掠取曰攘。不曰取曰攘者。以田官而下。取田夫之食嘗之。其必畏慙而不敢。

獻矣故攘之攘左右不壹攘攘而嘗肯否不壹嘗
見喜之甚取之疾上下相親之甚也幽俗莫美於
饁幽風雅三舉之當是之時禾既易治易治且竟
畝如壹當終善且多不怒言喜克敏勞其敏有功
勸之也末章稼如茨梁矣庾如坻京矣求千斯倉
求萬斯箱往所儲者倉所載者箱不給矣是君上
之慶也而幽公不自有也曰農夫之慶蜡而息之
祈田祖報介福焉於戲風稱滌場用酒羔羊曰躋
公堂萬壽無疆雅稱納稼黍稷稻粱曰農夫慶萬

壽無疆蓋上下交相親壹體而交相祝壹詞也楚
茨信南山善矣郁郁乎文甫田大田則忠之屬也
善之善者也其大田曰大田多稼既種既戒既備
乃事以我覃耜俶載南畝播厥百穀既庭且碩曾
孫時若種言擇種戒言豫事月令季冬命民出五
種計耦耕事修耒耜具田器是也至孟春土長冒
橛陳根可拔用覃然之利耜從耕之而穀生生盡
條直且茂大其力耕其若曾孫也民則何心以君
之心爲心大順也夫又詩曰既方既皂既堅既好

不根不莠。去其螟螣。及其蠹賊。無害我田穉。田祖
有神。秉畀炎火。方謂葶甲。成實曰阜。實堅曰堅。碩
美曰好。根童梁莠似苗草。方阜堅好而無根莠。非
擇種善。人力專。陰陽和。風雨時。不能乃蟲災禾穉
者。非人力所及。祈田祖。付炎火。燔焉。其於田。其無
遺心力也。夫。又詩曰。有渰淒淒。興雨祁祁。雨我公
田。遂及我私。彼有不穫穉。此有不斂穧。彼有遺秉。
此有滯穗。伊寡婦之利。雲始興曰渰。萋萋。滄鬱貌。
祁祁。徐也。雲欲盛。盛則多雨。雨欲徐。徐則入土。穧。

束秉把滯遺棄也不盡取舉以與矜寡共焉嗚呼
天澤先之公也不必先已地利公於物也不必在
已斯天下爲公哉非甚盛德其孰能與於此其豳
頌在芟春籍田祈社稷樂良耜秋報樂也以祭報
隸頌其詩曰載芟載柞其耕澤澤千耦其耘徂隰
徂畛侯主侯伯侯亞侯旅侯疆侯以有噲其饁思
媚其婦有依其土有畧其耜俶載南畝播厥百穀
除草曰芟除木曰柞主家長伯長子亞仲叔旅子
弟也疆有餘力者禮以疆予任民以左右之者其

轉移執事者也。言耕疾力趣時。又詩曰：畎畎良耜，
俶載南畝。播厥百穀，實函斯活。或來瞻女，載筐及
苜。其饌伊黍。其粒伊秬。其鐻斯趙。以薺荼蓼。荼蓼
朽止。黍稷茂止。言耘疾力也。又詩曰：實函斯活，驛
驛其達。有厭其傑。厭厭其苗。緜緜其鹿。實謂種子。
函，含。活，生也。驛驛，生不絕貌。達，出土如射也。苗，厭
然特出曰傑。緜緜，詳密。鹿，耘也。言耕耘具力而苗
盛。於是收穫之，而穡事成焉。百禮洽焉。其詩曰：穫
之，在在積之。栗栗其崇，如墉其比。如櫛以開，百室

百室盈止，婦子寧止。美有年也。又詩曰：載穫濟濟，有實其積。露積萬億，及秣爲酒，爲醴，烝畀祖妣，以洽百禮。有飶其香，邦家之光。有椒其馨，胡考之寧。黍稷之芬，日飶椒况，飶香烈也。胡考，目神。黍稷，國大寶。故飶之香，曰邦家之光。亦神大賜。故椒之馨，曰胡考之寧。蓋教民美報焉。載芟，曰匪且有且。匪今斯今，振古如斯。良耜曰殺時，特牲有掬其角，以似以續。續古之人，且此振自，似續嗣續也。言今是之祈也。匪今適然，振古已然，以有且有今也。神其許。

我乎。今是之報也。匪今始然。古之人實然。今以似以續也。神其予我乎。故風雅頌具主。爾爾具主。重農於戲。是化成之本也。天道也。周之盛德也。宋黃庭堅與從弟書曰。十二伯母嶺後幽居。今何如。五哥稍完葺廬舍否。五哥才力不在人後。但困困頓。遂潦倒如此。兄弟間稍從容者。便當助其甘旨。吾儕所以衣冠而仕宦者。豈已力哉。皆自高曾以來積累。偶然冲和之氣。在此壹枝耳。其實相去不遠。每過馬鞍墳前。思之未嘗不愧汗也。顏之推

云積財千萬不如薄技在身。技之易習而可貴者。無過讀書。世人皆欲識人多。見事廣而不肯讀書。是猶求飽而懶營饌。欲暖而惰裁衣也。牛弘弟彌好酒而酗。嘗因醉射殺弘駕車牛。弘還宅其妻迎謂曰。叔射殺牛。弘聞之。無所怪問。直答曰。作脯坐定。妻又言叔射殺牛。大是異事。弘曰。已知。顏色自若。晉衛玠常以爲人有不及。可以情恕。非意相干。可以理遣。故終身不見喜愠之色。虞翻與弟書云。長子容當爲娶婦。須遠求小姓。使足生子。

天之福人不在貴族。芝草無根，醴泉無源。顏氏家訓曰：愛子不均，古今通病也。不知賢固可愛，愚亦可憐。有偏寵者，雖欲以厚之，實所以禍之。又曰：讀書縱不能大成就，猶爲壹藝，得以自資。父兄不可常依，家國不可常保。壹旦流離，無人庇蔭，當自求諸身耳。儉字詠云：壹人立，三人坐；兩人小，兩人大。其中更有壹貳口，教我如何過。正大明白，真善謔而有益者。任惠恭晚年益康強，或問其養生之術，曰：讀文選有悟耳。曰：敢問悟處。曰：石韜玉。

而山輝水含珠而川媚是也。有補於天地曰功。有關於世教曰名。有精神曰富。有廉耻曰貴。是之謂功名富貴。插花不可太繁。亦不可太瘦。高低疎密如画苑布置。方妙。置瓶忌兩對。忌成行列。夫花之所謂整齊者。以參差不齊而意態天然。如子瞻之文。隨意斷續。青蓮之詩。不拘對偶。乃真整齊也。

春 風多。秋雨多。巳卯風樹頭空。甲子雷年豐。

雹吉年豐。

春三月。此謂發陳。天地俱生。萬物以榮。夜卧早起。廣步於庭。披髮緩行。以使志生。生而勿殺。與而勿奪。賞而勿罰。此春氣之應。養生之道也。逆之則傷肝。肝病宜食小豆韭李大。肝木味酸。木能勝土。土屬脾。主甘。春宜減酸益甘。以養脾土。春陽初升。萬物發萌。正二月間。乍寒乍熱。年高之人。多有宿疾。春炁所攻。則精神昏倦。宿病發動。又兼去冬以來。

擁爐薰衣，嚼炙炊燂，漸積至春，因而發泄，致體熱頭昏，壅隔涎嗽，四肢倦怠，腰脚無力，常當體候稍覺發動，不可使用疎利之藥，恐生別疾，惟用消風去熱涼膈化痰之劑，飲食調停，自然通暢。若無病不可服藥。春日融和，當眺園林亭閣虛敞之處，用攄滯懷，以暢生氣，不可兀坐，以生他鬱。飲食不可過多，米麵團餅多傷脾胃，難化。老人尤忌。天忝寒暄不時，不可頓去綿衣。老人氣弱骨疎，體怯風冷，易傷腠裏，時備夾衣，遇暖易之，以次漸減，不可暴

去。

栽竹木花果以地無老凍自驚蟄至春分爲得時。若至三月則太遲矣。凡樹栽深則不茂。最忌西南風及火日。望前栽則茂而多實。擇晴明日記南北。根無宿土者掘深坑以清糞水和土成泥栽於泥中。輕提起使樹根與地平。舒暢不拳屈。四圍用木架縛穩。勿令搖動。俟泥白背再用水澆。有宿土者先掘坑加水飲足。然後下樹覆土築實。澆水宜多。而不可頻頻。則根爛。上加浮土免致乾裂。伏天栽樹。

百無一活不可不知。二三月樹生新根。澆糞必死。

叙

萬株果樹。色襍雲霞。千畝竹林。氣含烟霧。激樊川而縈碧瀨。浸以成波。望太乙而憐少微。森然逼座。尙書未至。曳履驚隣。宮尹遁來。鳴騶動壑。

宋之問

春宴曲序

夫天地者萬物之逆旅。光陰者百

代之過客。而浮生若夢。爲驩幾何。古人秉燭夜遊。良有以也。况陽春召我以烟景。大塊假我以文章。會桃李之芳園。叙天倫之樂事。羣季俊秀。皆爲惠

連吾人咏歌獨慚康樂幽賞未已高談轉清開瓊
筵以坐花飛羽觴而醉月不有佳作何伸雅懷如
詩不成罰依金谷酒數李白春夜宴桃李園序

詩

銀鞍白鼻騮綠地障泥錦細雨春風花落時塵鞭
直就胡姬飲李白徐步春園日風輕雲淡時嫩

苔生翡翠新水映玻璃柳色頻經眼花香暗襲衣
碧桃舒笑臉黃鳥白閒啼王荆石載陽天氣柳

榆明村落家家事儘耕盼到春來歸日近好聽布

穀故鄉聲。老至聞雞未肯慵。呼兒蚤起伴鴻春。

光陰計日寅應惜。莫但貪眠說夢松。先君諱士一

字鷄薦公三山詩草

小園載酒日經過。滿目春

光映綠莎。桃李含情呈笑靨。柳榆獻媚綴晴螺。鳥
穿翠條簧調舌。魚躍澄泉玉擲梭。莫訝老夫頻命
駟。忍緣皓首負陽和。王象晉 春色催人白髮疎。

石梁溪畔結吾廬。饑寒習慣心常泰。婚嫁累完情
自舒。萬念都灰。唯有酒百年。若隙可無書。兒孫繞

膝詢前事。笑指壁間壹蠹魚。宜曾

詞

照野瀾瀾淺浪橫空曖曖微香障泥未解玉驄驤
我欲醉眠芳草。可惜登溪明月。莫教踏碎瓊瑤。
解鞍欹枕綠楊橋。杜宇數聲春曉。蘇軾西江月

風乍起吹皺壹池春水。閑引鴛鴦芳徑裡。手接紅
杏蕊。鬪鴨闌干獨倚。碧玉搔頭斜墜。終日望君
君不至。舉頭聞鵲喜。馮延巳謁金門

正月 是月也。天氣下降。地氣上騰。陰陽和同。草木萌
動。此月爲孟春。孟陽。孟陬。上春發春。肇歲華歲端。

月。陬月。天火子。地火戌。糞忌未。九焦辰。

荒蕪已。節氣內有三卯。宜豆。無則早種禾。有

三子。葉少。蚕多有。三亥。大水。甲子豐年。丙子旱。

戊子蝗。庚子亂。惟有壬子。水滔滔。都在上旬。十

日看。又云。甲子。虫災。桑穀貴。壬子。無綿。戊子。豐。

上旬。甲申。五穀收。丙申。穀損。虫食菜。戊申。六畜災。

壬申。澇。日赤如血。大旱。日上有黑雲。大旱。上

旬。月暈。壹暈。樹虫。二暈。穀虫。三暈。雷震。明年大赦。

四五暈。歲惡。有災變。雷鳴。人疫。年歉。電人殃。

甲乙兩春雨多丙丁戊巳雨夏雨多庚辛雨秋
雨多壬癸雨冬雨多四時但遇此日必雨有風
兩三月穀貴大霧人民多災上甲日西方雲
黃歲惡先得丙寅夏雨多戊寅秋雨多壬寅冬
雨多兩卯穀貴霜下着物見日不消五穀不
實牛馬多疫雪至地三日內卽化歲成人安七
日不消秋穀不成二日得甲爲上歲四日中歲
五日下歲月內有甲寅米賤元旦至十二日每
日取長流水滿瓶稱之壬十二月其日水重其月

雨多輕則少

葺室宇。整農具。修花園。理蔬畦。

種豌豆。此豆能療小兒痘疔。用豌豆四十九粒。燒灰存性。髮灰三分。真珠十四粒。炒研爲末。油胭脂同搗成膏。先用針挑痘疔破。啞去惡血。以少許點之。卽時紅活。大凡疔痘紫黑而大。或黑壞而臭。或中有黑線。此死症也。當速治。

種春大麥。未出九。卽用冬大麥作種。

種紅花。根下鋤淨。勿留草穢。見蓓蕾卽勿鋤。

種白菜菠菜。

辛日鋤韭畦。去敗葉。以鐵肥耬起舊土作埂。上水加熟糞蓋之。

晦日種冬瓜。頻澆之。

剝松樹。

修諸果樹。去去年新發明條子。及低亂小枝。澆水培之。樹根四圍土。俱刨鬆。勿荒蕪。

白蝦洗淨。晾乾。剪鬚尾。每斤用鹽壹兩。火酒化開。拌蝦。量加花椒。入瓶紮緊。若用白糖。則不用鹽。

皮酒用火酒十斤。錫糖五斤。黃酒二十斤。當歸五錢。
陳皮。梔子。香附各二錢。砂仁。五加皮各三錢。浸六
十日。取用。若自做燒酒。名稀熬者。與黃酒平兌。藥
亦少增。季春以後。臘黃漸窮。不得不預備也。

棗酒。用紅棗二斤。洗淨。炒胡。加小茴。五加皮各三錢。
香附。當歸各壹錢。夏布袋盛。浸稀熬六十斤。

狀元紅。用五加皮壹兩。桂皮四錢。陳皮。當歸。甘草。木
香各壹錢。蜜壹斤。橘餅不拘多少。紅麴壹兩。夏布
袋盛。浸大麴蒸酒十斤。入罈。重湯煮壹炷香。

詩

曉日千門啓，初春入舍歸。
贈蘭開宿昔，談樹隱芳菲。
沈佺期青帝東來日，馭遲煖烟輕。
逐曉風吹

罽袍公子樽前覺，錦帳佳人夢裡知。
雪圃乍開紅菜甲，綵旛新剪綠楊絲。
殷勤爲作宜春曲，題向花

牋貼繡楣。

韋莊

軒后凝圖玉律懸，奠堦授節下

堯天。乾坤更記頒正月，宇宙爭傳歷萬年。
漫訝陽春聯紫極，迴看象緯麗瑤編。
皇輿此日宜無外，共

慶神功格上天。

陶望齡

詞

簾幙東風寒料峭。雪裡香梅先報春來蚤。紅蠟枝頭雙燕小。金刀剪綵呈纖巧。旋煖金爐熏蕙藻。酒入橫波。困不禁。煩惱繡被五更春睡好。羅幃不覺紗窗曉。歐陽修蝶戀花

立春 晴明少雲。歲熟陰則重。傷禾豆。風從乾來。暴霜殺物。穀稔貴。坎來多大寒。艮來風雨調。五穀熟。震來多暴雷。氣洩不成。巽來風多。有虫晴。主旱。離來。旱傷萬物。坤來。爲逆氣。米貴。春寒。六月大水。人

愁兌來旱霜疾疫又爲虛邪風中之必病如夜半
至無害又臞仙占天陰無風民安蚕麥百倍東風
吉果穀盛 甲申至巳丑庚寅至癸巳雨主糴貴
甲寅乙卯雨夏穀貴 占土牛頭黃主熟又專主
菜麥大熟青春多瘟赤春旱黑春水白春多風

三元君以是日上詣天帝北望有紫綠白雲爲三
素飛雲當再拜陳乞得給侍輪轂三過見元君白
日昇天 此時地未可耕當收拾農器若遇天氣
和暖卽出糞倒糞蓋壹歲之計在春而壹春尤自

正月忙起。錢糧二月開徵。此時當預爲打算。

挿壓薔薇月季木槿折枝連櫛椽挿陰肥地內築實
勿傷皮外留寸許長則瘁凡挿壓皆畏日喜陰

栽菜子蒿苳。

蘭花移向陽處使近日光不可過冷。

雨水 陰多主水少高下並吉 月蝕粟賤多盜 虹

見七月穀貴 雪殺麥大約春雪於麥不宜。

雨水中埋諸般樹枝皆可活取直好枝如拇指大
長尺許挿大蘿蔔中埋之頭勿出地大長恐易瘞。

勤澆之。別諸果樹虫。凡聚葉腐枝。皆虫所穴。俱搜去。割蜜荏。糞該倒第二次。

分植迎春花。其葉陰乾爲末。酒服三錢。出汗。治腫毒。薺葱。跌打手足骨折。葱白搗爛。焙熱。封裹折處。

澆牡丹。正月止壹次。須天氣和暖。如凍未解。切不可澆。更不可濕其榦。

元旦 得辛。旱。麥收十分。米平。麥麻貴。得甲。穀賤。人疲。遇風從東來。宜蚕。得乙。穀貴。人病。得丙。四月旱。得丁。絲綿貴。得戊。米麥魚鹽貴。得己。米貴。蚕傷。多風。

雨得庚田熟人病金鐵貴得壬絹布豆貴米麥平
得癸禾傷多雨人死得卯酉十分收得辰雨多得
子歲稔得丑水收七分得寅雨晴勻低田收得申
仲夏水年豐得未早禾半收人安又云得癸爲上
歲得丙可收七分晴人安年豐三日陰和無風
雨歲美大風主旱風從南來大旱西南小旱
西來人愁西北大風妨農菽成北方爲水門風來
大水歲中平東北水旱勻調高下皆熟東來大水
東南歲惡旦至食爲麥食至日昃爲稷昃至舖

申
初爲黍。舖至下舖。未爲菽。下舖至日入爲麻。有風

雲日。當其時者深而多實。無雲有風日。當其時淺而多實。有風雲無日。當其時深而少實。有日無風雲。當其時者稼有敗。四方有雲黃熟青稔赤旱。白兵。雷鳴。人不安。電人殃。有霧歲饑。大水人疫。雨春旱。民有壹升之食。二日雨。民有二升之食。如此占至七日。霜七月水。雪年豐。秋水若未交立春。則麥穀蕃盛。人畜安寧。雹有盜。五鼓時驗牛。俱卧則苗難立。半卧半起。歲中平。俱

立則五穀熟。本日雞。二日犬。三日猪。四日羊。五日馬。六日牛。七日人。八日穀。九日果。十日菜。晴暖則蕃。風雨陰寒不吉。

元旦雞未鳴時。供牲醴糕饅茶果香燭。祈答

天地神祇。燃爆竹。放鞭炮。另設肴饌。祭祖先。畢。叙長幼。以次禮拜。坐飲屠蕪酒。自少而長。各三杯。天明祭土地園井倉庫農器六畜所司之神。乃設酒肴餽餽。合家醉飽。取壹年吉慶。屠蕪椒酒也。辟瘟疫。謂屠絕鬼氣。蕪醒人。竟。五鼓時。以芥雜砍諸

果樹則結子繁而不落。雞鳴時以火照諸果樹
則無虫。日未出時用朱旛畫日月七星像每遇
風起。豎園內東墻下。卽大風發屋拔木。園內花果
無損。元日不借火。不汲水。不掃地。李樹石榴
以石安了中堆根下。則結子繁。

詩

葦桃猶在戶。椒酒已稱觴。歲美風先應。朝回日漸
長。自知年紀偏應少。先把屠蘇不讓春。倘更數
年逢此日。還應惆悵羨他人。俱蕪賦 帝宮通夕

燎天門拂曙開瑞雲生寶鼎榮光上露臺蕭懿

和風旭日遍春臺客裡新正萬象開剪韭擘柑稱
樂土擁裘負暉撥寒灰羞將幡勝頻添歲笑把屠
蘇後舉杯三度流年無恙在漫愁蓬鬢雪霜催先
君庚戌正旦三山試筆

元宵 晴春雨少百果盛十四日占同八日雨元夜
亦雨 霧主水

元宵放燈起唐明皇開元年間謂天官好樂地官
好人水官好燈上元乃三官下降之日故放燈

元宵燃燈供酒果湯圓於庭另設牲饌祭祀祖先
於家堂長幼叙坐施放花炮以娛佳景。

火藥每料俱用硝四兩其灰黃隨方變通。春雷用

綠捍灰八錢黃九錢。地花筒花用石炭灰三錢

五分柳木灰三錢五分黃七錢尖砂壹兩八錢。

又方灰黃各六錢五分尖砂壹兩七錢。又方灰

黃各六錢尖砂壹兩七錢。烟柳灰八錢黃二兩。

白烟加粉綠烟加銅綠各二兩黃烟加信二兩雄

黃三錢。起火柳灰壹兩六錢黃八錢麴砂任便

催藥。柳灰壹兩，黃八錢，月明石炭灰壹兩二錢，黃壹兩六錢。又方：石炭灰壹兩三錢，黃壹兩。

雄黃壹兩五錢，朝腦二錢，粉壹錢，金盞柳木灰。

五錢，石炭灰五錢，黃壹兩五錢。又次節：石炭灰三

錢六分，黃壹兩六錢，銀硃壹錢，銅綠壹錢，粉三分。

飛鼠柳灰壹兩六錢，黃八錢。又方：灰同上，黃

六錢，地鼠柳灰八錢，黃七錢，尖砂壹兩二錢。牛

生熟。

又方：灰壹兩二錢，黃壹兩，砂同上。小鼠

柳灰壹兩六錢，黃七錢，麴砂七錢，鍋花分兩節。

前節用石炭灰六錢黃六錢砂二兩八錢後節用
砂三兩二錢灰黃同上。小鍋花灰黃各四錢五
分。或各三錢末砂壹兩。信藥用硝四兩。煨桿灰
壹兩七錢。或壹兩六錢炒用。烏鎗藥硝壹斤。柳
灰三兩。黃二兩。

右方雖少。儘足自樂。社火所需。專門有匠。無庸備
錄。

詩

九陌連燈影。千門徧月華。傾城出馬騎。匝路轉香

車爛慢惟愁曉周旋不問家更聞清管發處處落

梅花

郭利正

火樹銀花合星橋鐵鎖開暗塵隨

馬去明月逐人來遊妓皆穠李行歌盡落梅金吾

不禁夜玉漏莫相催

蘇味道

端門魏闕鬱崢嶸

燈火城中輦路平不待上林鶯百轉教坊先已進

新聲

秦觀

雪消華月滿仙臺萬樹宮樓寶扇開

雙鳳雲中扶輦下六鰲海上駕山來錦京春酒露

春宴汾水秋風陋漢才豈曲尋人盡樂君王又

進紫霞杯

王珪

詠

豈夜東風不見柳梢殘雪。御樓烟煖對鼇山綵結。
簫鼓向晚鳳輦初回空闕。千門燈火九遠風月。

繡閣人人乍嬉遊。困又歇。艷粧初試。把珠簾半揭。
嬌羞向人手。撚玉梅低說。相逢長是上元時節。孫

巨源傳言玉女

紫禁烟花壹萬重。鰲山宮闕隱

晴空。玉皇端拱彤雲上。人物嬉遊陸海中。星轉

斗。駕回龍五侯池館。醉春風而今白髮三千丈。愁
對寒燈數點紅。

燈聯

管絃沸月喧和氣

誰家見月能閒坐

燈火燒空奪夜寒

何處聞燈不看來

瑤笙聲徹春宵月

燈嫌月淡連天照

霓舞光輝元夜燈

花怯春寒向火開

二月 是月也。日夜分。蟄虫啓戶。此月爲仲春。仲陽如

月。令月中和節。

天火卯。

地火酉。

糞忌戌。

九焦丑。

荒蕪酉。

雷不鳴。五穀不成。小兒多災。

多盜。驚蟄前雷主旱。

甲寅乙卯雨。米貴。一朔日。

風雨。稻惡。糴貴。人災。二日晴吉。見水。主旱。又主

梅水多。澇傷穀。八日東南風。主水。西北風。主旱。

十二日晴。百果實。雨晴勻。十五日爲花朝。又

爲勸農日。晴吉。風雨。主歉。二十日晴。主糴平。

雷初發聲。在艮震。歲稔。巽坤。主蝗。乾離。旱。坎。水。

種葱。水泡種。透去水。每早洒水。顛弄。俟芽出。種之。

種韭。掘地作坎。以碗覆土上。從碗外落子。

種茄。水泡種。洗淨。種肥熟地內。上用沙蓋。常以水潤。

長至四五葉。移栽。

葫蘆瓠子番瓜冬瓜俱於春分節內天晴下種若交
三月節則太遲苗俱要稀。

種同蒿食不盡者留結種秋社前種。

鋤菜子。

澆牡丹月內共三次。

護蘭四圍插竹防風折葉微澆之用雨水河水皮屑
水魚腥水雞毛水最忌井水凡澆須四面勻灌勿
得洒下致令葉黃黃則清茶洗之。

種梧桐將子拌鉅末少許或盆或地俱可種上覆土

末寸餘時時澆灌令土常濕

辣蘿蔔懸簷下至夏秋間有病痢者煮水服卽止又能止嗽愈久愈妙

詩

東風生意間農圃正宜勤
稻種開包晒菊苗依譜
分疇西曉耕雨舍北暮鉏雲
莫待荒三徑歸歎陶
令君

柳宗元

熙熙麗日開青野漠漠平疇散碧

波山鳥壹聲催布穀綠柳陰裡聽農歌

陸平泉

二月郊南柳色青淡雲晴靄動芳辰
霏霏花氣偏

隨酒嫋嫋鶯歌解和人野舫醉乘明月渡芳洲情
與白鷗馴武陵溪水深幾許笑逐桃花欲問津曹

大章

詞

鶯喚屏山鶯覺嬌羞須倩郎扶茶蘼斗帳冷薰爐
翠穿金落索香汎玉流蘓長記枕痕消醉色日
高猶倦妝梳壹枝春瘦想如初夢逃芳草路望斷
素鱗書張仲宗臨江仙

鶯蟄

值朔日主蝗災

鶯蟄日雷在上旬春寒黃梅

水大在中旬。禾傷在未旬。虫侵禾。西南風不收。
早菜。此後種大麥。勿用冬大麥作種。是日以
石灰摻門牆壁下。除虫蟻。此時地可耕矣。當督
勤耕。牛喂豆起。每日三合。糞倒第三次。此時
不勤。何能促細。

插柳。先於坑中盪蒜壹瓣。甘草壹寸。永不生虫。常以
水澆。必數條俱發。留好者三四株。削去梢枝。必茂。
餘條削去。

插青楊。先挑溝。深尺許。以水飲足。次日將青楊枝如

棗栗者截段豎埋之勿顛倒比地矮寸餘俟芽出
培之白楊移小者栽之

插梨於驚蟄後五日取旺相梨筍如拐樣截其兩頭
火燒鐵烙定津脉栽陰地卽活

栽各種子俱於驚蟄後十日澆水以糞蓋之芥菜擇
紫葉者辣蘿蔔擇平頂四五箇壹斤者水蘿蔔擇
兩頭勻者胡蘿蔔去梢

種烟烟最難生雨水節內先將種泡透用袋盛之日
蘸水掛起至此時生芽掘土作畦令土極細口含

烟種噴之。覆以沙土。上蓋草。常洒水。俟出齊。陸續去草。常澆令濕。勿當頂澆水。恐濺泥損苗。

澆芍藥。自此至清明。逐日澆水。則根深枝高。以雞矢和肥土培花叢下。渥以黃酒更茂。

并花以驚蟄爲上時。遲則難必活。扞法取木旁生小株可分者。先就連處分劈。用木片隔開。土培之。令各生根。次年移栽。勝於種核。

種鳳仙雞冠藍菊虞美人老少年秋葵石竹等草花。助皆除生意。白鳳仙花。盧裝壹罈。好火酒灌滿。

浸三七日日飲之能調經受胎。打杖腫痛先飲
童便黃酒免血攻心。鳳仙花葉搗如泥敷腫破處。
乾則又上。過夜血散卽愈。冬月用乾花葉研末水
調塗如無用豆腐葱白同搗爛敷之。頻換卽愈。
吐血不止。白雞冠花醋浸煮七次爲末。每服二錢
熱酒下。經水不止。紅雞冠花晒乾爲末。每服二
錢。空心熱酒調服。忌魚葷。白帶用白雞冠晒乾
爲末。每早空心酒服三錢。赤帶用紅者。下痢雞
冠花煎酒服。紅用紅。白用白。

春分

晴明燠熱萬物不成。風從乾來歲多寒。金鐵

貴應四十五日民饑。多災坎來米貴豆不成。民多
疾。艮來穀不收。米倍貴。水暴出。震來穀熟。麥賤。民
安。年豐。巽來。虫生。四月暴寒。雨離來。五月先水。後
旱。坤來。多水。人病瘡。兌來。爲逆氣。春寒。麥貴。凶。

前後壹日雷年豐。雲青爲虫。東有青雲宜麥。白
爲喪。赤爲兵荒。黑爲水。黃爲豐年。無雲凶。於交節
正時觀之。糞速打細速送。

土接花果樹。擇晴明天氣忌食腥酒。用鋸截斷元樹

以利刃於樹兩旁微啓小罅深寸許却以所接條約寸許壹頭削作小篋子先喻口中以津液助其氣納之罅中要快捷緊密須兩皮相對外用榆枳皮搗爛封纏覆以潤土培養接頭勿令見日透風以棘護之去賊芽李接桃實毛梅接杏實甘

栽桑擇初芽桑枝指大肥旺者就馬蹄處劈下潤土內開溝尺許埋實自生根壓後遇旱於旁開溝澆之但取水氣到忌多着水

分紫薇紫荆根旁小本栽之

海棠綉毬等花，屈樹枝就地，用木鈎攀釘堅牢，燥土壅起身半段，以熟土覆枝四五寸厚，露梢頭半段，勿壅，以肥水澆灌區中。至梅雨時，枝葉仍茂，根已生矣。歷時須枝附相連處斷其半，用土培固。次年新葉將萌，方斷連處，霜降後移栽，來春亦可。

栽盆蓮，先將好壯河泥乾者，少半壅築實，隔以蘆蓆，再加河泥二三寸，築平，有雨蓋之，俟泥晒微裂，方種葢藕根上行，遇實始生花也。次將藕壯大三節，無損者，順鋪在上，頭向南，芽朝上，用硫黃研碎紙

撚簪柄粗纏藕壹兩道再用剪碎猪毛少許安在藕節再用肥河泥次第填與藕芽平勿露頭少加水澗置日中晒泥迸裂加河水四指深候擎荷大發再加河水交夏水方可深管子曰五沃之土生蓮故栽須壯土然不可多加壯糞反至發熱壞藕蘭花用日晒逢大雨恐葉墜用細繩束起如連雨移簷下通風處

桂花移廳堂內以漸出屋恐上凍搨葉夾竹桃同去樹裏苦葡萄草苦花草俱以漸去之去苦蒜草鋤

之。

耙二麥壹遍。每畝撒鹽壹斗。則麥長盛。或耙後至清明節內撒鹽亦好。

轉瓜麻地。

社無定日。立春後五戊爲春社。立秋後五戊爲秋社。晴明六畜大旺。雨五穀果實少。在春分前歲美。在春分後歲惡。春米麥貴。分社同日。東風麥賤。西風貴。北風米貴。南風五月先水後旱。

社日吃酒。治耳聾。祭土地五穀之神。

種山藥先於年前開溝。入春凍解。填牛糞亂草半溝。上加土築實。橫埋山藥栽於上。覆糞土與溝平。時加澆灌。俟芽生。培之。比地高寸餘。以竹樹枝架起。忌人糞。禁口痢。山藥半生。半炒爲末。每服二錢。米飲下。腫毒初起。帶泥山藥。蓖麻子。糯米。等分。水浸研傅。卽散。項後結核。或赤腫硬疼。以生山藥壹挺。去皮。蓖麻子三個。同研貼之。如神。手足凍瘡。山藥磨泥傅之。

詩

九農成德業，百祀發光輝。報效神如在，馨香舊不

違。南翁巴曲醉，北雁塞聲微。尙想東方朔，恢諧割

肉歸。

杜甫

天氣近寒食，村居遠市朝。翠低新柳

弱，紅潤穉花嬌。聽鳥頻移榻，看雲偶過橋。隔村春

社至，曾赴野人招。

張翥

鷺湖山下稻梁肥，猶

穿雞棲對掩扉。桑柘影斜春社散，家家扶得醉人

歸。

周在

千尋古櫟笑聲中，此日春風屬社公。開

眼已憐花壓帽，放懷聊喜酒治聾。携刀割肉餘風

在，下瓦傳神俚俗同。聞說已栽桃李徑，隔溪遙認

淺深紅。李伯時

三月 是月也。生氣方盛。下水上騰。勾者畢出。萌者盡

達。此月爲季春。暮春。晚春。末春。窮月。蠶月。載陽。華

節。天火午。地火申。荒蕪丑。糞忌辰。九

焦戌。有三卯。宜豆。無則麥不收。三月不溫。民

多寒熱。有暴水。謂之桃花水。主梅雨多。雨多

宜麥。雪經日不消。秋禾惡。風不衰。九月霜不

降。雲甚潤厚。暴雨將至。雷多。主歲稔。電多同。

上巳有霜。月內冷。甲寅乙卯甲申至。己丑庚

寅至癸巳三辰三未日雨皆主米貴。朔日值清明草木茂值穀雨年豐。朔日風人病木虫北風自早至午米貴雷主旱雨人疫百虫生又主旱。

二日雨主旱。三日雷麥貴電同雨宜蠶水旱不時。四日雨治溝渠。六日雨壞墻屋。七日雨決隄防。八日雨乘船行俱主澇。六日日中洗頭令人利官身體光澤夜浴令無危。七日早暮浴招財延生。廿七日浴令人神氣精爽。晦日雨麥不熟。羊脯三月後有毒虫如馬尾殺人。月內勿

食雞子鳥獸五臟五辛等物令人昏亂發宿疾飲
食不化勿食蒜及芹蒜爲五辛之壹能散氣助
火傷肺損目三月八月二時龍帶精入芹菜中人
誤食之爲病面青手青腹滿如疔痛不可忍服硬
飴三二升日三吐出蜥蜴便瘥或云亦虺蛇蜥蜴
之毒耳非龍也春夏之交遺精於菜且蛇喜食芹
尤爲可証稻宜速舂若逾立夏舂米多碎計稻
有餘欲存貯則勿舂夏月米必用甕盛置炕上否
則生蛀每日雞鳴時以隔宿冷炊湯洗甕餽飯

籬厨物永無百虫之患。

漢儀上巳官及百姓皆禊於東流水上。魏以後但用三日不復用巳。歲時記三月三日上踏青履。上巳禊飲肇自古昔采蘭祓除尤稱佳事不知廢自何時迄今遂莫之舉也。余家近水願約二三同好及此風日清美駕言出遊臨綠波藉碧草覽芳物聽嚶鳴娛情觴詠之中寄想煙霞之外便覺蘭亭諸賢去人不遠。

種稷稻蜀秫稔穀黍將種用雪水浸過則耐旱辟虫。

農人無忌諱。止趁晴和天氣佈種。以糞多爲上。踏實。風不侵。則苗旺。或用石砣砣之。寧早勿晚。

種棉花。蚤恐春霜傷苗。晚恐秋霜傷桃。當於清明穀雨間。擇中間收者。待冬月生。意歛藏。碾子晒乾。於種時。以滾水潑過。卽以雪水草灰拌勻。種之。蓋種。初收者未實。近霜者不生。秕者。油者。經火焙者。俱不堪作種。種法有三。耨耩淺撒。惟穴種者。獲利多。但多費人工。法將耕過熟地。仍用犁過。就於溝中。隔半尺作壹穴。澆水兩碗。俟水入地。再下種十餘。

粒加熱糞壹碗覆土踏實地必轉熟三四遍種至
二年則呆枝不生夏至前必鋤七遍留苗務稀
種薏苡其仁健脾胃補肺去風清熱勝濕消水腫
治脚氣且釀酒甚美

種芋南方多水芋北方止旱芋耳脩荒論曰蝗之所
至凡草木葉無有遺者獨不食芋當廣種之種芋
之地衆人往來眼目多見及聞刷鍋聲多不孳生
鉏治勿晚芋葉搗傳癰疽腫毒虫咬蜂螫神效
插木芙蓉先以硬棒打洞入糞泥灌滿然後插入上

露少許勿傷損皮上遮爛草。搗木槿同芙蓉能解
毒消腫。壹切癰疽發背乳癰惡瘡用芙蓉葉或根
皮或花晒乾研末以密調塗於腫處四圍中間留
頭乾則頻換初起者卽覺清涼痛止腫消已成者
卽膿聚毒出已穿者卽膿出易斂妙不可言或加
生赤小豆末尤妙。經血不止芙蓉花蓮蓬殼等
分爲末每服二錢米飲下。杖瘡腫疼芙蓉花葉
研末入皂角末少許雞子清調塗。
澆壯卅月內共五次。

種蕪子蓖麻於田畔近路處遮牲畜。凡腫毒疼不可忍。蓖麻子仁搗敷卽止。湯火灼傷。蓖麻仁蛤粉等分研膏。湯傷以油調。火灼以水調塗。產難取蓖麻子。兩手各把七枚。須臾立下。催生下胞。蓖麻仁七粒。研膏塗足心。若胎及衣下。便速洗去。不爾。則子腸出。卽以此膏塗頂。則腸自入。

種白菜。水蘿蔔。芹菜。菜眉。豆。御麥。黃瓜。

糟豆腐。用絹袋過汁。做極細豆腐。切片。約二指厚。用炒鹽擦過。放箔上。晒六七分乾。又用淡鹽湯煮壹

滾取出晒七分乾每二升黃豆之腐用壹升糯米
作酒娘起出漿壹半餘漿並糟加香油椒茴末拌
勻糟腐秋後取用。

皮蛋用新生鴨蛋百枚將風泛石灰礮子不經水者
升半真新炭灰三升鹽七兩栢葉些須河水調勻
分作百塊將蛋包好收罈內封固勿冒風百日後
取用醃蛋百枚用鹽四十兩水五斤和泥包之
四十日取出另用罈貯不用原汁浸。

比目魚必待煮熟方加鹽若早加或用鹽醃卽成粉

賦

夫何三春之令月。嘉天氣之氤氳。和風穆而布揚。
百卉曄而敷芬。川流清冷。以汪濊。原隰葱翠。以龍
鱗。游魚灑灑。於綠波。玄鳥鼓翼。於高雲。美節慶之
動物。悅羣生之樂欣。幸新服之既成。將禊除於水
濱。于是縉紳先生。肅儔命友。携朋接黨。冠童八九。
主希孔墨。賓慕顏柳。臨涯詠吟。濯足揮手。乃至都
人士女。奕奕祁祁。車駕岬嶂。充溢中逵。粉葩翕習。
綠阿被湄。振袖生風。接袵成幃。若夫權戚之家。豪

侈之族采騎齊鑣華輪方轂青蓋雲浮參差相屬
集乎長洲之浦曜乎洛川之曲遂乃停輿蕙渚稅
駕蘭田朱幔虹舒翠幕蜺連羅樽列爵周以長筵
於是布椒醕薦柔嘉祈休吉蠲百疢漱清源以滌
穢兮攬綠蔕之纖柯浮素卵以蔽水兮洒立醪于
中河。張協

詩

時乃暮春時物芳衍濫觴逶迤周流蘭殿禮備朝
容樂關夕宴。謝靈運
習習谷風興回回景雲飛

青天數翠彩。朝日含丹暉。

傅玄

二月已破三月

來。漸老逢春能幾回。莫思身外無窮事。且盡生前

有限杯。

杜甫

安樂窩中三月期。老來纔會惜芳

菲。美酒飲教微醉後。好花看到半開時。

邵子

三

月正當三十日。風光別我苦吟身。共君今夜不須

睡。未到五更猶是春。

賈島

細雨迎梅濕。杜鵑飛

花零落柳三眠。鶯啼燕語依然在。不信春歸又壹

年。幾人買棹逐春歸。嚴瀨錢江水正肥。獨我淹

留春又去。坐看巢燕學飛飛。曾聽郊西布穀聲。

榆錢柳眼望中明。於今綠暗風光減。添得春愁滿
客城。拂羽鳴鳩自引雛。春深庭草半荒蕪。無緣
留得東風住。深巷頻沽酒壺。朱明將近晝偏
長。處處秧田儘餉忙。漫道羈人無負郭。筆耕尤自
惜春光。荏苒何須記歲月。暑來寒往本無私。客
窻愁與東風別。夢裡春歸自不知。生香不斷壺
枝春。三月殘花伴遠人。多謝東皇留別意。枇杷嘗
過荔枝新。先君三山詩草才喜新春已暮春。夕

陽吟殺倚樓人。錦江風散霏霏雨。花市香飄漠漠

塵今日尙追巫峽夢少年應遇洛川神有時自患
多情病莫是多情宋玉身。韓莊

詞

櫻桃謝了梨花發紅白相催燕子歸來幾處風簾
綉戶開人生樂事知多少且酌金杯管咽絃哀
謾引蕭娘舞袖迴。晏原叔採桑子春如酒花如

繡惱人天氣清明候荼蘼下鞦韆架東隣嬌女招
呼遊冶怕怕怕羅衫舊腰肢瘦風情困似三瓦
柳山盟話都成假待伊來後採將花打罷罷罷。敘

頭鳳

青抹遙山綠勻芳墅踏春還共春遊侶畫

樓墻隔是誰家垂楊影裡鞦韆女
墜落瑤釵高

飄金縷傳情擬倩流鶯語明朝酒醒好重來東風

莫洒催花雨

踏莎行俱丁雁水

寒食

去冬至壹百五日卽有疾風甚雨謂之寒食實

清明前二日也照俗以前壹日爲寒食失考矣祭

掃先塋栽樹添土雨年豐

早取螺螄浸水中至清明以水洒墻壁甃砌去蚰蜒
蚰蜒入耳用蝸牛入耳自出或芝蔴炒研裝袋枕

之。

浸糯米，逐日換水，至小滿取出，晒乾，炒黃爲末，治跌打損傷，用水調塗。

治麥麵用絹袋盛，掛當風處，治疔腫，麵和臘猪油封之。跌打損傷，白麵和高醋爲餅，包傷處，壹時壹換，接骨如神。折損瘀損，白麵、梔子仁，同搗水調敷。火燎瘡，炒麵、梔子仁末，和油敷。咽喉腫疼，卒不下食，白麵和醋塗喉外腫處。吹奶，水調麵糊，煮欲熟，卽投黃酒壹盞攪勻，熱飲，令人徐徐按。

之藥行卽瘳。乳癰白麵半斤炒黃醋煮糊敷。
金瘡出血麵乾敷。脚趺成泡。水調麵敷。次日卽
平。小兒口瘡。麵五錢。硝石七錢。水調五分塗足
心。男左女右。中暑水調麵服。白痢不止炒麵
方寸七入粥中食。泄瀉不止。麵炒焦黃色。空心
溫水服壹二匙。

做醋脚。先於冬月用黃米二斗做酒。照常使麴至寒
食前五六日。榨酒取糟。再將蜀秫二斗磨破取米
做坯。晾冷。加好麴。麵三升。同糟拌勻。如發麴。麴狀

入甕按實蓋着候發裂紋再消下去用糝培二指
厚上用糯稻糠培三指厚蓋嚴秫坯要乾勿稀

詩

馬上逢寒食途中屬暮春可憐江浦望不見洛橋
人宋之問寒食江村路風花高下飛汀烟輕冉

冉竹日淨暉暉田父要皆去隣家問不違地偏相
識盡雞犬亦忘歸杜甫春城無處不飛花寒食

東風御柳斜日暮漢宮傳蠟燭輕烟散入五侯家

韓翃

禁烟此日客魂驚弔古無端百感橫天意

到今憐介子。淒淒風雨冷孤城。先君連江作 蘭

陵士女滿晴川。郊外紛紛拜古塹。萬井閭閻皆禁
火。九原松柏自生烟。人間後事悲前事。鏡裏今年
老去年。介子終知祿不及。王孫誰有壹相憐。郭勛

詞

家家祭掃畫船容。與白馬迢迢。提壺挈榼沿村到。
難畫難描。青竹杖半挑山色。紫藤筐亂插花梢。紅
衫粉面爭調笑。高呼低喚。齊度小溪橋。陳眉公滿

庭芳

清明 喜晴照雨又午前晴早蚕收午後晴晚蚕收。

是日淘井取井底與地上氣味相均也故志林云
寒食清明都過了石泉槐火壺時新架葡萄

種小藍可早栽先用水浸種過夜去水置暖處日洒
水顛弄仍空去水俟芽生種之。

種西瓜甜瓜先將地耕熟至清明前後以燒酒浸西
瓜子少刻取出漉淨拌草灰壹宿次早種之種貴
淺苗貴稀地貴鬆糞貴多斜枝掐去留瓜勿蚤甜
瓜種用塩水洗過取熟糞土種之仍將洗子塩水

澆之得蓋氣則不籠死。秧拖時搯去頂心。

種蚕麻地須刨四遍。多加糞。出齊後薅淨。天旱上水。種臭棘。

種穀忌重荏爛荏。

鋤麥既耐旱多穫。種豆又佳。若穀雨後鋤。熟時多仆。採馬蓮花黃草熬汁。入白礬染綠。

採青楊葉。淪熟晒作乾菜。若至穀雨則老。

做酸漿。清明熟炊粟米飯。乘熱傾入冷水。盛以小罐。浸五六日。酸便可用。天熱逐日看。纔酸便用。如過。

酸成惡水矣。

做徽乾菜將秋醃菜食不盡者沸湯淖過晒乾磁器收貯夏間將菜溫水浸過壓水盡出香油拌勻以碗盛頓飯上蒸食甚佳炒肉亦美。

豆豉食不盡者蒸熟晒乾爲末作秋間醃瓜醬料亦可炒豆腐若不蒸晒必壞。

穀雨 前壹日霜主旱

分菊看天氣晴明地土滋潤將舊本輕輕擊開擇單莖肥芽不損根鬚者以乾潤土栽之地須高肥不

可雨中分栽濕土着根則花不茂忌水多壞根周
圍開溝泄水但雨過不拘何月卽以醇熟乾土壅
根或用篾籠瓦作盆埋壘半入土內使地氣相接
水不停積且上盆可不傷根。

澆蘭用豬血和河水勿用濃糞。

種小藍可繼早藍栽生芽如前法。

鋤春大麥豌豆紅花。

種高綠豆六月可摘。

醃香椿芽取肥嫩者塩醃器內過恒盛自取採每日

三次至五日後看芽俱透置屋內晾半乾入鏵炒
鹽培之十餘日取晾壹次否則壞爛至白露後便
不用晾。

採臭棘芽滾水焯過逐日換水浸至不苦晒乾收。

種松先將荒地鋤去草根用碌礮壓極實再耩溝下
種覆以糞土畦上搭矮棚蔽日旱則頻澆常須濕
潤芽出土後棚漸墊高四圍豎籬護之免爲蝦蟆
所食種栢亦同但不用荒地亦不用礮壓俱在立

夏前三日。

修屋佈種既畢，速查犁戶屋，有難過夏者，急修補之。
簷草用整，則耐久省工。壓脊要寬，恐轉脊草爛，務
於立夏前修完。

金魚生子，多在穀雨後。如遇微雨，則隨雨下子。若雨
大，則次日黎明方下。雨後將種魚連草撈入新清
水缸內，視雄魚緣缸趕咬雌魚，卽其候也。咬罷將
魚撈入舊缸，取草映日看，其上有子，大如粟米色。
如水晶，將草撈於淺瓦盆內，止容三四指水，置微
有樹陰處晒之，不見日不生。見烈日亦不生。壹二

日便出小魚勿輕那移水動則魚尾歪。喂魚用無油塩蒸餅清明以前忌喂食雞鳴卵黃則中寒而不子。魚瘦生白點名魚蝨用楓樹皮或白楊皮投水中卽愈魚傷熱用確盛水置魚其中以布紮口沉井底過壹夜卽愈不可久浸。